



**SEGUNDA ADDENDA AO CONVENIO DE COLABORACIÓN ENTRE A DEPUTACIÓN DE PONTEVEDRA E O CONCELLO DE MEAÑO PARA A EXECUCIÓN DA ACTUACIÓN DENOMINADA “MELLORA EFICIENCIA ENERXÉTICA E ACONDICIONAMENTO DE PAVILLÓN DE DEPORTES DE MEAÑO”, NO MARCO DO PROGRAMA PROVINCIAL DE INFRAESTRUTURAS E DOTACIÓNS SINGULARES PARA A RECUPERACIÓN POST-COVID-19. PROGRAMA REACPON (REACCIONA PONTEVEDRA PROVINCIA)**

DOCUMENTO ASINADO ELECTRÓNICAMENTE POR:

**SEGUNDA ADDENDA AO CONVENIO DE COLABORACIÓN ENTRE A DEPUTACIÓN DE PONTEVEDRA E O CONCELLO DE MEAÑO PARA A EXECUCIÓN DA ACTUACIÓN DENOMINADA “MELLORA EFICIENCIA ENERXÉTICA E ACONDICIONAMENTO DE PAVILLÓN DE DEPORTES DE MEAÑO”, NO MARCO DO PROGRAMA PROVINCIAL DE INFRAESTRUTURAS E DOTACIÓNS SINGULARES PARA A RECUPERACIÓN POST-COVID-19. PROGRAMA REACPON (REACCIONA PONTEVEDRA PROVINCIA)**

En Pontevedra, na data da sinatura electrónica

**INTERVEÑEN**

Dunha parte, D.<sup>a</sup> María del Carmen Silva Rego, quen actúa no nome e representación da Deputación Provincial de Pontevedra, en virtude do seu cargo como presidenta deste organismo e en función das atribucións que lle confiren o artigo 34 da Lei 7/1985, do 2 de abril, reguladora das bases do réxime local (LRBRL), e o artigo 105 da Lei 5/1997, do 22 de xullo, de administración local de Galicia (LALGA).

Doutra parte, D. Carlos Vieitez Fernández quen actúa no nome e na representación do Concello de Meaño, en virtude da súa condición de alcalde-presidente da citada Corporación, segundo o disposto no artigo 21 da LRBRL, no artigo 61.1 da LALGA e no artigo 41.1 do Real decreto 2568/1986, do 28 de novembro, polo que se aproba o Regulamento de organización, funcionamento e réxime xurídico das entidades locais.

Actúa D. Carlos Cuadrado Romay, en calidade de secretario xeral da Deputación Provincial de Pontevedra, dando fe do acto que se celebra.

Ámbalas dúas partes actúan nas representacións expresadas e recoñécense reciprocamente capacidade bastante para o outorgamento e formalización deste convenio, con base nos principios de colaboración, cooperación, coordinación e eficacia que deben presidir as actuacións das Administracións Públicas e, a estes efectos, de común acordo,

**EXPOÑEN**

I. Na data 17/12/2021 o Pleno da Corporación Provincial, adoptou o acordo núm. 4.7719 polo que se aprobou a concesión dunha subvención, polo procedemento de concorrencia competitiva, ao Concello de Meaño, con destino á execución da actuación denominada “MELLORA EFICIENCIA ENERXÉTICA E ACONDICIONAMENTO DE PAVILLÓN DE DEPORTES DE MEAÑO”, ao abeiro do Programa provincial de infraestruturas e dotacións singulares para a recuperación post-Covid-19 – Programa ReacPon (Reacciona Pontevedra Provincia).

II. O orzamento do investimento ascendía a 450.400,72€ e a subvención concedida a 360.320,58€ (80%), completándose o financiamento mediante unha achega municipal por importe de 90.080,14€ (20%).





III. De acordo co previsto na base reguladora 7ª.2.h) do Programa, mediante a resolución presidencial núm. 2022000335 de 20/01/2022 aprobouse o correspondente convenio de colaboración, que se asinou o día 31/01/2022. Dito convenio ten por obxecto definir as actuacións obxecto de subvención e concretar de xeito pormenorizado as obrigas das partes.

IV. A cláusula Segunda do referido convenio, relativa ao “FINANCIAMENTO”, establece o seguinte:

*“O custo total da actuación ascende a catrocentos cincuenta mil catrocentos euros con setenta e dous céntimos (450.400,72€).*

*Deste importe, a Deputación financiará unha contía máxima de trescentos sesenta mil trescentos vinte euros con cincuenta e oito céntimos (360.320,58€), que supón unha porcentaxe total sobre o orzamento do 80%, que se imputarán contra a aplicación orzamentaria 2022/942.9420.762.75.2021 do vixente orzamento provincial.*

*Pola súa banda, o Concello achegará a cantidade restante ata completar o orzamento, o que supón unha contía de noventa mil oitenta euros con catorce céntimos (90.080,14€) e unha porcentaxe de cofinanciamento do 20%, que será financiada contra a correspondente aplicación do orzamento do concello ou con outro tipo de axudas que a entidade local poida obter.”*

V. Por acordo núm. 8.31424 da Xunta de Goberno do 11/03/2022 concedeuse una subvención ao dito concello por importe de 90.080,14€, con cargo a anualidade 2022 do Plan Concellos 2022-2023, para financiar a totalidade da achega municipal do investimento do Programa ReacPon.

VI. Na data 12/07/2022 o Concello presenta no Rexistro da Deputación (núm. rexistro WEB2022039727) un proxecto reformulado do proxecto inicial, emendado o 14/07/2022 (Rexistro WEB2022040036), no que o orzamento aumenta 53.398,18€ (11,86%) ata o importe de 503.798,90€, “xustificando os axustes na subida xeneralizada dos prezos dos materiais de construción, adecuando o proxecto á realidade do mercado e facer posible e viable a execución da obra, así como favorecer a concorrencia das diferentes empresas ao proceso de licitación”. Na mesma data o Concello presenta tamén (núm. rexistro WEB2022039727) o compromiso de asumir a financiación do incremento do orzamento e a certificación do acordo do Pleno da corporación municipal de aprobación do proxecto reformulado.

VII. A cláusula Quinta do convenio, relativa á súa modificación, establece que “O Concello deberá remitir á Deputación a solicitude xustificada de modificación do convenio de forma inmediata á aparición das circunstancias que a motiven e con antelación suficiente á finalización do prazo de execución concedido.

*A Deputación analizará a viabilidade da modificación e autorizará, no seu caso, a sinatura da addenda, previa instrución do correspondente expediente. O Concello deberá remitir a documentación técnica e administrativa que a Deputación lle requira para a tramitación da modificación. Unha vez autorizada e aprobada a modificación por ambas partes, firmárase a correspondente addenda.*



*A modificación non poderá afectar en ningún caso ao importe máximo da achega da Deputación”.*

VIII. Que o artigo 16 da Ordenanza Xeral de Subvencións da Deputación de Pontevedra sinala que, salvo que na resolución da concesión se estableza o contrario, a persoa ou entidade beneficiaria da subvención poderá solicitar do órgano que as concede a modificación da resolución de concesión, non debendo variarse o destino ou finalidade da subvención ou axuda pública. A solicitude de modificación deberá estar suficientemente xustificada, presentándose de forma inmediata á aparición das circunstancias que a motiven e con antelación á finalización do prazo de execución inicialmente concedido, salvo que para as modificacións se fixen outros prazos. En concorrencia competitiva a modificación só será posible no caso de que non altere a puntuación obtida por aplicación dos criterios de concesión. O acto polo que se acorde a modificación da resolución de concesión da subvención será adoptada polo órgano que a concedeu, previa instrución do correspondente expediente no que, xunto á proposta razoada do órgano instructor, se acheguen os informes pertinentes e, segundo o caso, a solicitude ou as alegacións da persoa beneficiaria, sen que poida significar dano aos dereitos de terceiros.

IX. Na data 29/07/2022 o Pleno da Corporación Provincial, mediante o acordo núm. 4.7830, aproba o proxecto reformulado, tendo en conta as novas obrigas económicas en relación ao orzamento da actuación, o importe da subvención e o importe a cofinanciar.

X. Mediante a resolución presidencial núm. RP2022006892, de 28/09/2022, aprobouse a correspondente addenda ao convenio, a cal se asinou o día 29/09/2022, e na que se establece o seguinte cadro de financiamento:

<b>Orzamento (proxecto reformulado)</b>	<b>503.798,90€</b>
Subvención (Programa ReacPon)	360.320,58€
Plan Concellos 2022-2023	90.080,14€
Achega municipal	53.398,18€

XI. Na data 26/10/2022 o Concello adxudica a Obras Gallaecia, S.L. a realización do investimento por un importe de 503.798,90€, formalizándose o contrato administrativo o 28/10/2022.

XII. Posteriormente, na data 04/04/2023 o concello presenta no Rexistro da Deputación (núm. Rexistro WEB2023023650) a solicitude dunha segunda addenda ao convenio debido á modificación do proxecto, como consecuencia da aparición de amianto na realización dos traballos previos, o que motiva a inclusión da partida de retirada do fibrocemento con amianto existente na cuberta (para o tratamento e eliminación do material contaminado) e provoca a solicitude de resolución do contrato por mutuo acordo por parte da empresa adxudicataria, e achega o novo proxecto reformulado e o certificado do acordo do Pleno municipal de aprobación do dito proxecto e do





compromiso de financiamento da contía non financiada mediante o Programa ReacPon e o Plan Concellos 2022-2023. O orzamento do novo proxecto increméntase en 98.601,63€ (19,57%) respecto do anterior reformulado, ata o importe de 602.400,53€ (resultando un incremento do 33,75% respecto do proxecto inicial).

XIII. Mediante o acordo do Pleno provincial núm. 7.7988, do 28/04/2023, apróbouse o segundo proxecto reformulado da dita actuación tendo en conta as novas obrigas económicas en relación ao orzamento da actuación, o importe da subvención e o importe a cofinanciar.

XIV. Así mesmo, a cláusula Décima Primeira do convenio, relativa á vixencia, recolle que *“O presente convenio producirá os seus efectos desde a data da súa sinatura ata a total execución das actuacións a que o mesmo se refire e a súa xustificación. En todo caso as actuacións deberán estar executadas na súa totalidade a 30 de abril de 2023. Así mesmo, deberán xustificarse no prazo de cinco meses desde a súa finalización, sen exceder en todo caso o 30 de setembro de 2023.”*

XV. No Pleno do 27/01/2023 adoptouse o acordo núm. 7.7926 polo que se prorroga o prazo de execución dos investimentos acollidos no Programa ReacPon ata o 31/12/2023 e o prazo de xustificación ata o 31/05/2024.

XVI. Por todo o anteriormente exposto, as partes manifestan expresamente o seu desexo de asinar unha nova addenda para adaptar o texto do Convenio asinado o 31/01/2022 ás novas condicións establecidas nos anteditos acordos plenarios de datas 27/01/2023 e 28/04/2023, con arranxo ás seguintes

## CLÁUSULAS

### PRIMEIRA. FINANCIAMENTO

As partes acordan modificar novamente a cláusula segunda do Convenio, relativa ao financiamento da actuación denominada “MELLORA EFICIENCIA ENERXÉTICA E ACONDICIONAMENTO DE PAVILLÓN DE DEPORTES DE MEAÑO” no marco do Programa ReacPon, polo incremento do orzamento e do importe da achega municipal prevista no convenio, quedando redactada do seguinte xeito:

*“O custo total da actuación ascende a seiscentos dous mil catrocentos euros con cincuenta e tres céntimos (602.400,53€).*

*Deste importe, a Deputación financiará unha contía máxima de trescentos sesenta mil trescentos vinte euros con cincuenta e oito céntimos (360.320,58€), que supón unha porcentaxe total sobre o orzamento do 59,81%, que se imputarán contra a aplicación orzamentaria 2023/942.9420.762.75.2021 do vixente orzamento provincial.*

*Pola súa banda, o Concello achegará a cantidade restante ata completar o orzamento, o que supón unha contía de douscentos corenta e dous mil setenta e nove euros con noventa e cinco céntimos (242.079,95€) e unha porcentaxe de cofinanciamento do 40,19%, dos que noventa mil oitenta euros con catorce céntimos (90.080,14€) serán*



*financiados coa subvención concedida pola Deputación con cargo a anualidade 2022 do Plan Concellos 2022-2023 e cento cincuenta e un mil novecentos noventa e nove euros con oitenta e un céntimos (151.999,81€) con cargo á correspondente aplicación do orzamento do concello ou con outro tipo de axudas que a entidade local poida obter.”*

O novo financiamento da actuación recóllese na seguinte táboa:

<b>Orzamento (2º proxecto reformulado)</b>	<b>602.400,53€</b>
Subvención (Programa ReacPon)	360.320,58€
Plan Concellos 2022-2023	90.080,14€
Achega municipal	151.999,81€

## SEGUNDA. VIXENCIA

As partes acordan modificar a cláusula Décima primeira do convenio, relativa á vixencia, e quedando redactada do seguinte xeito:

*“O presente convenio producirá os seus efectos desde a data da súa sinatura ata a total execución das actuacións a que o mesmo se refire e a súa xustificación. En todo caso as actuacións deberán estar executadas na súa totalidade a 31 de decembro de 2023. Así mesmo, deberán xustificarse no prazo de cinco meses desde a súa finalización, sen exceder en todo caso o 31 de maio de 2024.”*

## TERCEIRA. RÉXIME XURÍDICO

En todo o demais, permanecerá invariable o contido do Convenio asinado o 31/01/2022, e modificado pola addenda asinada o 29/09/2022, suxeitándose as partes ás súas cláusulas.

E, como proba de conformidade, as partes que interveñen asinan a presente addenda na data da sinatura electrónica.

A presidenta da Deputación Provincial de Pontevedra, D.<sup>a</sup> María del Carmen Silva Rego

O alcalde-presidente do Concello de Meaño, D. Carlos Vieitez Fernández

O secretario xeral da Deputación Provincial de Pontevedra, D. Carlos Cuadrado Romay

